

DEN AMBIENTE

TRIBUTO POSTUME NA KING COMPUTER



**** King Computer "All The Way" contento cu su trofeonan como Roadmarch King 1994..**

** Diamars ultimo pueblo carnavalesco di Aruba a ser di shock cu e lamentable noticia di fayecimiento di King Computer, kende na aña 1994 tabata Aruba su Roadmarch King.

E fayecimiento inenspera di King Computer a conmove Aruba, debi cu apenas aña 1998 a habri, King Computer tabata esun prome cu a lansa su hit promocional carnavalesco titula "Aplause" riba nos radio emisoranan y posteriormente a laga tur hende keda pendiente pa su CD, cual porcierto otro siman lo yega

Aruba.

DEN AMBIENTE por a comprende for di Lenny Lake, kende ta e persona cu a produci e CD aki pa King Computer den su propio studio di grabacion full computarisa na San Nicolas, cu ya for di october aña pasa King Computer a inicia cu e grabacion. Riba e CD aki mester a aparece 11 tema carnavalesco, pero debi na su salud e no por a termina cu e grabacion di su voz pa e ultimo tema "Respetá".

E tema "Aplause" cu King Computer a escohe pa lansa

como su hit promocional, ta contene un mensahe valioso cu el a laga pa e pueblo carnavalesco, pa aplaudi tur e figuranan clave rond di nos car-

durante e fin di siman di 8 y 9 di augustus di aña pasa, na unda el a participa hunto cu un grupo di Arubianonan residencia aya na Rochester, New



**** Aki por aprecia nos orguyo bandera cu King Computer a hiba, ta zwaai durante e parada di carnaval na Rochester, New York..**

naval y hasta e ta pidi aplauso pa tur nos barionan y turistinan.

King Computer a participa pa prome biaha den e Calypso & Roadmarch Contest na aña 1994, cual aña el a ser respalda pa Hildward Croes y su Dushi Band. For di su salida riba escenario King Computer a sorprende tur hende cu su tema "All The Way" logrando merecidamente e titulo como Roadmarch King. Despues King Computer no a logra mas di conquista e titulo, pero semper e tabata bon prepara hunto cu Robert y su Solo Banda Show.

Na aña 1993 King Computer a participa den e festival di canto di "Arubus and Family", cual el a logra di bay cu e titulo maximo. Na aña 1996, King Computer a conquista e titulo maximo durante e festival "Aruban Caribbean Song Festival" organiza pa Tele Aruba, pa asina e por a bay representa Aruba durante e festival Caribeño na Barbados, na unda el a representa Aruba dignamente pero suerte no a toke.

E aña aki tabata su intencion pa bin tur duro cu tin pa conquista e titulo bek, pero bon DIOS a dicidi di tume den su Reino.

Durante siman por a tende via nos radio emisoranan palabranan bunita expresa na King Computer, pero hopi a lubida cu King Computer a representa Aruba riba su propio iniciativa durante un parada di carnaval na Rochester, New York. Esaki a tuma lugar

nan caribeño manera entre otro: Guyana, Santo Domingo, Jamaica, Barbados etc. Den un entrevista exclusivo pa e seccion aki, King Computer a expresa su duele pa motibo cu tur e paisnan menciona tabata hopi bon prepara pa representa nan pais, mientras cu esun di Aruba no tabata mes un bon representa, debi cu ta riba nan propio forza nan ta drei. Su deseo tabata pa aserca nos mandatarionan pa wak e posibilidad pa yuda e grupo aki e aña aki, pa asina nos pais ta mas mihor representa cu ta posibel.

Sin duda cu e grupo di Arubianonan residencia na Rochester, New York, tambe a haya un golpi duro cu fayecimiento di King Computer, kende tabata nan persona di contacto como apoyo aki na Aruba. Sigur e aña aki durante e parada na Rochester, New York, nan lo bay haya hopi falta di King Computer.

Awe diasabra ta hiba Julius Andrews, "King Computer" na su ultimo lugar di descanso. DEN AMBIENTE ta manda palabranan di profundo condolencia pa su famianan y cu KING COMPUTER DESCANSA NA PAZ.



**** Julius Andrews den su presentacion triunfante durante e festival A.C.S.F.**



**** Foto recordable di DEN AMBIENTE, na momento cu Julius Andrews "King Computer" ta ricibi e trofeo for di Demetrio Maduro director di Tele Aruba, como ganador maximo di e festival Aruban Caribbean Song Festival.**